

Kontrolliert von Gottes Super-Sinn

Albanische Übersetzung

Guri i ndërtimit Frymor Nr. 67

E kontrolluar nga Super Mendja (shqisa) e Perëndisë

1. Korintasve 2,12-16: “Por ne kemi mendjen e Krishtit.”

Ty të janë dhënë pesë shqisa. Por këto pesë shqisa, intelekti yt, nuk të janë dhënë që të të udhëheqin. Shqisa e gjashtë, e cila është besimi (2. Korintasve 4,13), të është dhënë që të të udhëheqë. Kjo është shqisa e gjashtë. Kjo është Super-Shqisa. Ajo të udhëheq. [1]

Kështu është kur një njeri takon Perëndinë. Kjo e ndryshon qenien e tij. Kjo i jep atij një Super-Shqisë. Siç kam thënë, njeriu natyror ka vetëm pesë shqisa. Por besimtari, kur takon Perëndinë, merr diçka tjetër – domethënë një Super-Shqisë, e cila e ngre atë mbi hijet. Kjo e bën atë të besojë gjëra që është e pamundur të ndodhin. Megjithatë ai beson se ato do të ndodhin, sepse Perëndia e ka thënë kështu. Kur një njeri takon Perëndinë, ndodh diçka. [2]

Ne jemi mësuar se njeriu natyror ka pesë shqisa. Perëndia ia ka dhënë ato që të kontaktojë shtëpinë e tij tokësore. Këto shqisa i njohim si të shikuarit, të shijuarit, të prekurit, të nuhaturit, të dëgjuarit. Këto pesë shqisa janë të njohura për njeriun natyror. Dhe ato janë të mira, dhe ne nuk mund të jetojmë një jetë normale nëse njëra nga këto shqisa nuk funksionon. Prandaj ato janë të mira dhe të dobishme, dhe na janë dhënë nga Perëndia. [3]

Pesë shqisat nuk janë dhënë kurrë për të udhëhequr një njeri. Shqisa e gjashtë, e cila është Super-Shqisa, është dhënë për të udhëhequr njeriun. Shqisa e gjashtë është besimi. Tani, pesë shqisat janë në rregull, për aq kohë sa ato përputhen me Fjalën e Perëndisë. Por kur ato nuk përputhen me Fjalën e Perëndisë, Jezusi tha: “Fjala e çdo njeriu qoftë gënjeshtër, por Fjala Imë është e vërtetë.” Prandaj ne shikojmë atë që thotë Perëndia. [4]

Perëndia i ka dhënë këto shqisa, por ato ju janë dhënë si një dhuratë. Dhe varet se kah i drejtoni këto shqisa. Jeta juaj kontrollohet nga ajo së cilës ia dorëzoni këto pesë shqisa. Atë që shikoni, atë që dëgjoni, atë që shijoni, nuhatni ose ndieni, atë kah janë të drejtuar këto shqisa, ajo do t’ju sundojë.

Dhe ne i jemi mirënjohës Perëndisë që i kemi pesë shqisat. Por në asnjë mënyrë këto pesë shqisa nuk të janë dhënë që të të udhëheqin. Ato të janë dhënë vetëm për kontaktin tokësor. Por ty të është dhënë shqisa e gjashtë, dhe kjo shqisë e gjashtë i përket vetëm të krishterëve.

Njeriu nuk mund ta ketë këtë shqisë të gjashtë derisa të bëhet i krishterë, vetëm atëherë ai mund të ketë diçka më shumë se pesë shqisat natyrore të personit natyror. Por shqisa e gjashtë për të krishterin njihet më mirë si besim. Ai është ai që të sundon dhe të udhëheq, dhe ai qëndron mbi të gjitha shqisat e tjera. Ai qëndron mbi të gjitha pesë shqisat e tjera.

Tani, me këtë nuk dua të them se pesë shqisat nuk do të ishin më të mira për ne, sepse kemi pranuar shqisën e gjashtë. Jo, ato janë të mira. Këto pesë shqisa të janë dhënë nga Perëndia dhe ato duhet të përdoren. Por kur pesë shqisat veprojnë në kundërshtim me Fjalën e Perëndisë, atëherë ato na gënjejnë.

Tani, shqisa e gjashtë nuk mund të gënjejë. Ajo është një Super-Shqisë. Dhe Super-Shqisa është Fryma e Shejtë, besimi i Perëndisë, i cili banon në ty (Galatasve 2,19-20; 2. Korintasve 4,13). Dhe kur ti ia nënshtron pesë shqisat shqisës së gjashtë, ajo do të të udhëheqë dhe do t'i sjellë të gjitha pesë shqisat e tjera nën kontrollin e kësaj Super-Shqisie. Sepse ajo qëndron aq shumë mbi mendjen natyrore, sa njeriu frymor qëndron mbi njeriun natyror. Ajo qëndron aq larg dhe aq lart mbi njeriun natyror dhe pesë shqisat e tij, sa qëndrojnë qiejt. Ajo të bën të besosh gjëra që nuk mund t'i shohësh. Ajo të bën të veprosh atje ku pesë shqisat nuk do ta mendonin fare. Djalli mund të hyjë në këto pesë shqisa dhe të të gënjejë, por ai nuk mund ta prekë këtë Super-Shqisë. Ajo është shumë përtej shtrirjes së tij. Ajo vjen nga Perëndia. Ai quhet besim. Besimi është një gjë e madhe (Hebrenjve 11,1.6).

Pesë shqisat nuk e kontrollojnë shqisën e gjashtë, por shqisa e gjashtë i kontrollon pesë shqisat. Super-Shqisa i kontrollon shqisat natyrore, të cilat janë: të shikuarit, të shijuarit, të prekurit, të nuhaturit, të dëgjuarit. Super-Shqisa të bën të besosh Fjalën e Perëndisë, sepse kjo është e vetmja gjë për të cilën ajo flet. Ajo të bën të besosh gjëra që nuk mund t'i shohësh, shijosh, ndiesh, nuhatësh ose dëgjosh, sepse ajo përdor Fjalën e Perëndisë. Dhe ajo ta sjell këtë Fjalë dhe bën që ti të ecësh në kundërshtim me të gjitha gjërat e tjera që ekzistojnë përveç Fjalës së Perëndisë. Nëpërmjet besimit; besimi e bën këtë.

Tani, le t'i ilustrojmë shqisat: Njeriu natyror lind me këto shqisa, prandaj ato janë shqisa të dhëna nga natyra. Dhe ai në të vërtetë i percepton ato vetëm në mendimin e tij intelektual. Ai mund të mendojë vetëm si një njeri, ai mund të shohë si një njeri, ai mund të kuptojë si një njeri,

ai mund të dëgjojë si një njeri. Por kur ai sundohet ose përtërihet, ne themi rilindet (Titit 3,4-7), atëherë e kaplon kjo Super-Shqisë e gjashtë. Dhe kur kjo ndodh, kjo Super-Shqisë e ngre atë në një vend ku ai ka besim për të besuar gjëra që nuk mund t'i dëgjojë, që nuk mund t'i shohë, që nuk mund t'i kuptojë. Megjithatë ai i beson ato, sepse sundohet nga kjo shqisë e gjashtë, kjo Super-Shqisë. Oh, sa e lavdishme është ta dish këtë dhe të mendosh sa e thjeshtë është ta besosh këtë.

Tani, ti nuk mund ta besosh këtë derisa të jesh përtërirë (Efesianëve 3,4-7; Gjoni 3,3-8). Përndryshe ti vetëm merr atë që ka thënë dikush tjetër, atë që ke mësuar në mënyrë intelektuale ose përmes pesë shqisave natyrore. Por kur hyn shqisa e gjashtë, Fryma e Shejtë, Ai e largon të gjithë arsyetimin e këtyre pesë shqisave dhe të ngre lart në këtë shqisë të gjashtë, që ti të besosh gjëra që nuk mund t'i shohësh, shijosh, ndiesh, nuhatësh ose dëgjosh. Ajo bën diçka me ty. Atëherë mund të thuash se Jezusi është Krishti (1. Korintasve 12,3), sepse ti e ke përjetuar atë; jo atë që të ka mësuar mësimi intelektual, por atë që vetë ke përjetuar.

“Çfarë duhet të bëjë atëherë shqisa e gjashtë? Pse vjen shqisa e gjashtë?” E pra, shqisa e gjashtë është besimi, Super-Shqisa. Shqisa e gjashtë erdhi vetëm për këtë arsye, që pesë shqisat në ty të mohojnë gjithçka që është në kundërshtim me Fjalën e Perëndisë. Për këtë është shqisa e gjashtë. Shkrimi flet për shkatërrimin e arsyetimeve (2. Korintasve 10,3-6).

Njeriu mund të mendojë: “Ah, pse duhet ky apo ai...” Por shqisa e gjashtë nuk e sheh fare këtë. Ajo është aq larg prej kësaj, ajo është aq shumë më lart se kjo, saqë nuk ka më fare mendime rreth kësaj. “Ne e besojmë.” Ajo është shumë më lart se gjithçka që pesë shqisat mund të thonë për këtë. Ne e besojmë. Ti ecën përmes kësaj shqise të gjashtë, ti flet përmes kësaj shqise të gjashtë, ti jeton përmes kësaj shqise të gjashtë, ti vdes përmes kësaj shqise të gjashtë dhe ringjalleth përsëri përmes kësaj shqise të gjashtë; kësaj Super-Shqisie, diçka që është në ty, që është ndryshe nga ajo që është njeriu natyror.

Njeriu natyror ka vetëm këto pesë, dhe ato janë në rregull nëse mund t'i nënshtrohen shqisës së gjashtë. Kur mendja natyrore e lexon Fjalën e Perëndisë dhe thotë: “Kjo është Fjala e Perëndisë”, atëherë ajo flet të vërtetën. Por kur lexon dhe thotë: “Nuk është e gjitha Fjala e Perëndisë”, ose “Dikur ishte, por tani nuk është më”, atëherë hyn kjo shqisë e gjashtë dhe thotë: “Ai është i njëjti dje, sot dhe përjetë.” (Hebrenjve 13,8). Shihni, ky është ndryshimi.

Prandaj kaq shumë njerëz nuk arrijnë të shërohen. Ata përpiqen të vijnë me një përfytyrim intelektual. Ata thonë: “Oh, unë bëj këtë, ose unë besoj këtë e kështu me radhë.” Por kur kjo shqisë e gjashtë...

...kur ajo e thotë këtë, atëherë nuk ka asgjë që mund ta largojë ndonjëherë atë nga kjo shqisë e gjashtë.

Shqisa e gjashtë ka ardhur mbi njeriun që ai të mohojë gjithçka që është në kundërshtim me Fjalën e Perëndisë. Çdo simptomë që është në kundërshtim me premtimin e Perëndisë, shqisa e gjashtë thotë se ajo nuk është aty. Shqisa e gjashtë thotë: “Është një gënjeshtër. Ndihej më mirë. Unë do të shërohem. Perëndia e ka thënë kështu, kjo e përfundon çështjen. Amen. Perëndia e ka thënë.” Shqisa e gjashtë ushqehet vetëm përmes Fjalës së Perëndisë.

Kjo Super-Shqisë është e mbinatyrshme, mbi shqisat. Është një shqisë më e lartë. Është një besim. Është një fuqi që lëviz dhe shtyn përpara. Amen. Është diçka që të bën të bësh gjëra për të cilat kurrë nuk do të kishe menduar se do t'i bëje. Është shqisa e gjashtë, Super-Shqisa.

Le të na jepet kjo Super-Shqisë, le të na jepet kjo shqisë e besimit, e cila i takon besimtarit – sepse ai duhet ta ketë atë që të mund të besojë... (2. Pjetrit 1,3-9). Zot, na jep më shumë prej saj! Oh, na pastro, Zot, na provo dhe na mbush me mirësinë Tënde dhe me fuqinë Tënde! Na lejo të ecim të gjitha ditët e jetës sonë përmes shqisës së gjashtë, përmes shqisës së besimit, e cila jepet vetëm përmes Jezu Krishtit, që ne të besojmë për atë për të cilën lutemi, se do ta marrim atë dhe të mos kemi asnjë dyshim në zemrat tona. Ti ke premtuar se do të ndodhë. [3]

Shiko këtu, ti je një person me një anë të jashtme. Ti ke pesë shqisa, të cilat kontaktojnë atë trup të jashtëm. Perëndia të dha pesë shqisa, jo për ta kontaktuar Atë, por shtëpinë tënde tokësore: të shikuarit, të shijuarit, të prekurit, të nuhaturit dhe të dëgjuarit.

Pastaj ti ke një frymë në brendësi të saj, e cila gjithashtu ka pesë dalje: ndërgjegje, dashuri (pëlqim/mospëlqim), imagjinatë, kujtesë, arsyetim. Janë këto pesë dalje me të cilat ti kontakton botën frymore, përmes frymës sate.

Fizikja jote kontakton fiziken, fryma jote kontakton frymën. Por në brendësi të saj ti ke një shpirt, dhe ky shpirt është ajo farë trashëgimie që vjen nga Perëndia.

Dhe kur një njeri është rilindur përmes Fjalës së Perëndisë (1. Pjetrit 1,22-23), i paracaktuar për jetën e përjetshme, i quajtur i zgjedhur, atëherë do të jetë Fjala e Perëndisë mbi Fjalën, Fjalë mbi Fjalë (Efesianëve 1,3-6). Jo një kredo denominacionale dhe pastaj një Fjalë dhe një kredo; kjo nuk do të funksionojë. Ti nuk mund ta kesh atë maja brenda saj. Ka vetëm një jetë të përjetshme: Jezu Krishti, Fjala. [5]

Tani mbani mend, nuk është një shkencë e krishterë si mendja kundër materies... Mendja e pranon jetën, e cila është Fjala e Perëndisë (Gjoni 6,63), dhe atje ajo sjell jetën. Vetëm mendimet tuaja nuk e bëjnë këtë, por Fjala e Perëndisë, e vendosur në kanalën e mendimeve tuaja. Shihni, nuk është mendimi, siç e paraqet shkenca e krishterë, mendja mbi materien. Jo, nuk është kështu.

Por mendja juaj e pranon atë dhe e kap atë. Nga çfarë kontrollohet mendja juaj? Nga fryma juaj. Dhe fryma juaj e kap Fjalën e Perëndisë, dhe kjo është ajo që ka jetë në vetvete. Ajo sjell jetë brenda teje. O vëlla! Kur kjo ndodh, kur jeta vjen brenda teje përmes këtij kanali, atëherë Fjala e Perëndisë shprehet në ty. “Nëse qëndroni në Mua dhe Fjalët e Mia qëndrojnë në ju, atëherë kërkon çfarë të doni dhe do t’ju jepet.” (Gjoni 15,7).

Çfarë bën kjo atëherë? Nga mesi i zemrës, që është shpirti, prej andej ajo rrjedh dhe ushqen çdo kanal. Problemi është vetëm se ne qëndrojmë këtu brenda me një sasi dyshimesh dhe përpiqemi të pranojmë atë që është atje jashtë. Ju duhet të ndaloni me këtë dhe t’ia nënshtroini atë kanal Fjalës së vërtetë të Perëndisë, dhe atëherë ajo rrjedh prej vetvetes – automatikisht. Është ajo që është në anën e brendshme. Kjo është ajo që ka rëndësi, ajo që është në anën e brendshme.

Ajo duhet të pranohet në mendje, pastaj besohet nga zemra. Atëherë Fjala e Perëndisë bëhet një realitet, atëherë të gjitha shqisat e frymës dhe të trupit pastrohen plotësisht nga Fryma e Shejtë. Atëherë përmes teje rrjedh mendja e Perëndisë, ndërgjegjja jote nga Perëndia, gjithçka që është hyjnore. Nuk mbetet më asnjë dyshim. Asgjë nuk mund të ngrihet më.

Por kur ky kanal është pastruar dhe është bërë i lirë, dhe është mbushur përbrenda me Frymën e Shejtë, atëherë nuk vjen më as në kujtesë, pa marrë parasysh çfarë ka të bëjë zonja Maier dhe çfarë ka bërë ajo. Është Perëndia dhe ti së bashku, dhe askush tjetër përveç jush të dyve. Kështu është. Aty është beteja juaj. Vriteni atë që në fillim! Ndalojeni në rrugën e tij dhe vriteni! Nuk ka rëndësi sa gjatë mund ta shtyni. Jo, ndalojeni pikërisht tani!

Çfarë kishte ndodhur? Ju duhet së pari ta hapni kanalën. Ju duhet ta dërgoni luftëtarin, Frymën e Shejtë që vjen me Fjalën, në vijën e frontit të betejës. Ai është Fjala. Ai qëndron atje, dhe atëherë asgjë nuk mund ta ndalojë Atë. Çdo kanal tjetër është pastruar. Është si me një kazan të vjetër me avull, te i cili valvula është bllokuar. Kur e ngroh, e gjithë gjëja do të shpërthejë. Kështu është edhe me shumë të krishterë që kanë shpërthyer, sepse nuk i kanë pastruar kanalet dhe nuk kanë hyrë deri në brendësi. Ju duhet të pastroni gjithçka, ndërgjegjen tuaj, kujtesën, mendimet dhe gjithçka...

...duhet t'i lëmë mënjanë (Hebr. 12,1-3). Nga brenda duhet të dalë përpara kjo Fjalë e panjollë e Perëndisë si e Vërteta.

Por djalli do të përpiqet të kthehet përsëri. Shikoni, nëse ai vetëm mund të hyjë aty brenda, atëherë që nga ai moment ai do ta drejtojë ushtrinë tënde.

Nëse i ke shqisat e tua: të pamurit, të shijuarit, të prekurit, të nuhaturit dhe të dëgjuarit, ato janë në rregull, por mos u beso atyre përveçse kur janë në përputhje me Fjalën. Ato janë në rregull, por nëse nuk pajtohen me Fjalën, atëherë mos i dëgjo. Tani, përfytyrimet, ndërgjegjja, kujtimet, arsyetimet dhe ndjenjat, janë në rregull nëse janë në përputhje me Fjalën. Por nëse ndjenja jote nuk është në përputhje me Fjalën, atëherë çlirohu prej saj. Përndryshe valvula jote do të shpërthejë menjëherë. Nëse arsyetimi yt nuk është në përputhje me Fjalën, largohu prej tij. Kjo është e vërtetë. Nëse kujtesa jote, nëse përfytyrimet e tua, nëse ndërgjegjja jote, nëse ndonjë gjë nuk është në përputhje me këtë Fjalë që është në brendësi, atëherë çlirohu prej saj.

Aty është fusha jote e betejës. Fusha jote e betejës është këtu prapa në fillim, këtu poshtë në shpirt, thellë në mendjen tënde, e cila hapet. Mendja është porta për në shpirt, në fakt porta për në frymë. Mendja jote hapet dhe e pranon frymën ose e refuzon frymën. Dikush mund të ketë pak ndërgjegje, ndjenja të vogla, ndjesi të vogla ose diçka të tillë. Por kjo nuk ka të bëjë fare me këtë. Ato janë thjesht ndjesi të vogla. Por kur vjen puna te realiteti, mendja jote hapet. Mendja jote ose e pranon ose e refuzon atë. Kjo është, miq.

Shikoni, është mendja juaj ajo që e hap derën ose e mbyll derën dhe dëgjon ndërgjegjen tuaj, kujtesën tuaj ose ndjenjat tuaja. Por kur mendja juaj mbyllet ndaj këtyre gjërave dhe e lë Perëndinë, Frymën e Fjalës së Tij, të hyjë brenda, ajo i nxjerr jashtë këto gjëra. Çdo dyshim zhduket. Çdo frikë zhduket. Çdo ndjesi dyshimi zhduket. Çdo ndjenjë zhduket. Nuk mbetet më asgjë tjetër përveç Fjalës së Perëndisë, dhe Satani nuk mund të luftojë kundër saj. Jo, ai nuk mund të bëjë asgjë kundër saj. Tani, ne e dimë se kjo është e vërtetë.

Kjo luftë është duke vazhduar që nga Kopshti i Edenit (Zan. 3,1-7), lufta në mendjen njerëzore. Satani e filloi atë.

Tani, një pikë e vogël e Fjalës së Perëndisë nuk u besua, dhe kjo e shkaktoi tërë këtë problem. Si mund të kthehemi ne atëherë dhe të mos e besojmë Fjalën? Ju nuk mundeni. Duhet t'i bëni të heshtin të gjitha këto gjëra të tjera: ndërgjegjen, kujtimet, arsyetimet dhe të gjitha këto gjëra të tjera. "Ne rrëzojmë arsyetimet." (2.Kor. 10,3-6). Ne nuk arsyetojmë fare për këtë. Ne thjesht e pranojmë Fjalën mbi bazën: "Perëndia e ka thënë kështu." Dhe kjo vendos një rrjedhë midis teje dhe Perëndisë. Atëherë hapet çdo kanal midis teje dhe Perëndisë. [6]

Fuqia më e madhe që ka goditur ndonjëherë tokën është kjo super-shqisë, e quajtur shqisa e gjashtë. Kjo nuk ka të bëjë fare me mendjen tënde. Nëse mendja jote e vërteton dhe thotë “Amen” për të, atëherë është në rregull dhe ti vazhdon përpara. Por pavarësisht se çfarë thotë mendja jote, besojë atë – aty qëndron fuqia: kur ti beson në zemrën tënde... Shqisa jote e pestë e të menduarit ndodhet në trurin tënd, por shqisa jote e gjashtë ndodhet në zemrën tënde. Ti beson me zemrën tënde (Rom. 10,8-10). Me gojë bëhet rrëfimi, me zemër besohet. Po, kjo shqisë e gjashtë, kjo fuqi e madhe... [3]

Aty është beteja, së pari në vijën e frontit. Ne nuk duam të marrim një pushkë të kalibrit 22, por një bombë atomike. Ne duam ta kryejmë detyrën siç duhet. Ne duam të marrim bombën atomike të Perëndisë. “Çfarë është ajo, Vëlla Branham?” B-e-s-i-m në Fjalën e Tij. Kjo është bomba atomike e Perëndisë. Ajo e copëton sëmundjen dhe djallin, djathtas e majtas, dhe i shkatërron. Oh, ajo shkatërron dhe shpërndan gjithçka që është e paperëndishme. Kur kjo bombë e besimit hidhet atje me Fjalën e Perëndisë, ajo shkatërron çdo djall, çdo sëmundje, çdo vuajtje.

Ju thoni: “A është e vërtetë kjo? Atëherë pse ndodh vetëm te disa dhe jo te të tjerët?”

Kjo është për shkak të kanalit. Vetëm shikojeni dhe do ta kuptoni. Sepse ju duhet ta keni atë këtu brenda dhe të shikoni nga jashtë, jo këtu jashtë dhe të shikoni nga brenda. Ju duhet të shikoni nga brenda jashtë. Shikoni, ju nuk mund të vini përmes mendjes. Ju duhet të vini pikërisht përmes kanalit të Perëndisë, drejt e në shpirt. Dhe si bëhet kjo? Cili është kanali i fundit?

Shqisat tuaja thonë: “Oh, unë mund ta ndiej. Po, ja ku është. Oh, ndoshta mund ta nuhas ose diçka të tillë. Këto gjëra janë aty. Po.” Pastaj ju arsyetoni: “Mirë, duket sikur ai e di për çfarë po flet. Mjeku thotë se nuk mund të shërohem. Atëherë duhet të jetë kështu.” A e shihni? Pikërisht atëherë jeni gabim. Ai është djalli që qëndron aty. Ai është djalli që po i ngulit këto gjëra mbi ju. Mos e besoni!

Haleluja! “Unë dëshiroj që në të gjitha gjërat të përparosh dhe të jesh me shëndet të mirë, ashtu siç përparon shpirti yt!” (3.Gjonit 1). Kjo është e vërtetë. Si mund të jesh një luftëtar i vërtetë atje jashtë? “Unë dua që ti të jesh mirë në shëndetin tënd.” Pikërisht aty janë këto kanale. Thjesht hapini ato dhe mos kaloni përtej tyre!

Nëse Satani mund të depërtojë aty dhe të kapë këtë vetëdije dhe të gjitha këto gjëra të tjera, atëherë ai vjen pikërisht këtu deri në fund, në mendje. Ti nuk do të shohësh asgjë prej kësaj nëse nuk e lejon të hyjë. Varet nga ti nëse do ta lejosh të hyjë. Kur ai hyn, atëherë merr kontrollin. Çfarë bën ai pastaj? Ai fillon ta përdorë vetëdijen. Ai...

...fillon ta përdorë këtë dalje. Çfarë është ajo? Të pamurit, të shijuarit, të prekurit, të nuhaturit, të dëgjuarit – përfytyrimet, vetëdija, kujtesa, arsyetimet, ndjenjat. Ai fillon t'i përdorë të gjitha këto kanale të ndryshme të vogla, sapo të ketë hyrë brenda. Por së pari ai duhet të ketë hyrë në mendjen tënde dhe ti duhet ta pranosh atë. Dëgjoni, ai mund të të godasë, por nuk mund të të ndodhë asgjë nëse ti nuk e pranon.

Perëndia e vesh ushtrinë e Tij. Haleluja! Çfarë lloj pajisjeje përdorim ne? Shpatën e Frymës, Fjalën e Perëndisë! Amen. “Sepse Fjala e Perëndisë është e gjallë dhe vepruese dhe më e mprehtë se çdo shpatë me dy tehe, dhe depërton deri aty sa ndan shpirtin dhe frymën, palcën dhe kockën, dhe është gjykues i mendimeve dhe synimeve të zemrës” (Hebr. 4,12). Fjala e Perëndisë! Të besosh Fjalën e Tij – kështu e pajis Perëndia ushtrinë e Tij.

Perëndia e thërret çdo farë të Abrahamit në të njëjtën lloj jete. Beteja e madhe është tani në zhvillim, në mbarë botën. Perëndia dëshiron që fëmijët e Tij të ndahen nga të pamurit, të shijuarit, të prekurit, të nuhaturit, të dëgjuarit; nga përfytyrimet, nga vetëdija, nga kujtimet, arsyetimet, ndjenjat, nga gjithçka. Hape mendjen tënde dhe lëre Fjalën të hyjë brenda, dhe marsho me Fjalën! Ky është një luftëtar i vërtetë.[6]

Shkrimi flet për këtë, se “Engjëlli i Perendise ngre kamp rreth atyre që e kanë frikë Atë” (Psalmi 34,8), pra në një botë tjetër, të cilën pesë shqisat nuk mund ta arrijnë. Pesë shqisat kanë kontakt vetëm me këtë botë. Nëse nuk do të kishe ndjesi, atëherë nuk do të mund të ndjeje asgjë. Nuk do ta dije se çfarë është të ndiesh. Kjo do të ishte për ty një botë tjetër. Nëse nuk do të mund të shihje, atëherë ajo që do të dëshiroje të shikoje do të ishte një botë tjetër dhe ti nuk do të dije asgjë për të. Kështu, këto pesë shqisa janë e vetmja gjë që Perëndia na ka hapur.

Por ekziston edhe një shqisë tjetër, e quajtur besim. Përmes besimit ju ngjitni një shkallë dhe më në fund mund të arrini aq lart, sa të depërtoni në një botë tjetër, e cila është një vegim. Atje mund të shihni. [7]